



御選金詩姓名爵里卷第

帝系

顯宗皇帝

諱允恭本諱胡土瓦世宗第二子大定九年封楚王二十一年立為皇太子謚宣孝章宗即位追謚體道弘仁英文睿德光孝皇帝廟號章宗

宗顯

章宗皇帝

諱璟顯宗嫡子大定二十六年立為皇太孫二十九年嗣位在位二十年謚曰憲天光運仁文義武神聖英孝皇帝廟號章宗

宗藩

密國公壽

字仲賢一字子瑜世宗之孫越王永功子初名壽孫世宗賜今名累加開府儀同三司奉朝請正大初進封密國公自號樛軒居士

所著有如
菴小藁

諸家姓名爵里

蔡松年

字伯堅真定人以身行臺尚書省令史出身官至尚書右丞相封衛國公進吳國自號蕭閒老人卒謚文簡

吳激

字彥高宋宰相拭之子米芾婿也入金仕為翰林侍制出知深州有樂府及東山集十卷

御選金詩

卷一 帝系 宗藩 姓名爵里

虞仲文

字質夫武州寧遠人仕為遼相歸金授樞密使平章政事卒謚文正

王樞

字子慎良鄉人遼日登科仕金直史館

邢具瞻

字巖夫遼西人天會二年進士仕至翰林侍制

王繪

字質夫濟南人天會二年進士仕至太常卿

宇文虛中

字叔通成都人仕宋為黃門侍郎使金被留歷翰林學士知制誥轉承旨進禮部尚書皇統初坐罪死

高士談

字子文一字季默宋韓武昭王瓊之後宋宣和未任忻州戶曹仕金為翰林直學士皇統初預宇文虛中之禍所著有蒙城集

杜充

字公美相州人仕宋知滄州歸金拜尚書右丞相領中山行臺

孫九鼎

字國鎮忻州定襄人天會六年經義第一人

王仲通

字達夫長慶人天會六年進士皇統中坐黨籍編配五國赦還世宗即位復官終永定軍節度使

邊元勳

字輔臣豐州人天會十年進士歷河間路轉運使

邊元鼎

字德舉元勳弟天德三年第進士以事停銓世宗即位用太師張浩薦供奉翰林出為邢州幕官復坐累遂不復仕

張斛

字德容，漁陽人。仕宋為武陵守，歸金。官秘書省，著作郎。所著有南游北歸等詩。

劉豫

字彥由，阜城人。仕宋，知東昌府。諸路馬步軍都總管。歸金，立為齊帝。建元阜昌。八年廢。為蜀王。遷黃龍府。改封曹。有集十卷。

張孝純

字永錫，滕陽人。宣和末，知太原。歸金，以相齊。致仕。汴京建行臺，起為左丞相。諭年請歸卒。謚安簡。

馬定國

字子卿，社平人。宋宣政末，題詩坐議，訖得罪。後以詩撼齊王。劉豫授監察御史。仕至翰林學士。自號齋堂。有集傳於世。

祝簡

字廉夫，單父人。宋進士。入金，歷朝奉郎、太常丞兼直史館。有鳴鳴集。

張子羽

字叔翔，東阿人。仕金，嘗官洛陽。

王景徽

字彥美。

吳縝

字子長，東平人。

朱之才

字師美，洛西三鄉人。宋崇寧間，登科入齊，為諫官。黜泗水，令退居。磁陽自號慶霖居士，有霖堂集。

杜佺

字真卿，武功人。阜昌中，登科，有錦溪集。

劉著

字鵬南，舒州皖城人。宋宣政末，進士第。歸金，歷翰林充脩撰。終忻州刺史。自號玉照老人。

御選金詩

卷一 姓名爵里

二

王競

字無競，安陽人。宋進士。仕金，歷禮部尚書兼翰林學士承旨。

李之翰

字周卿，濟南人。宋宣和末，擢第。任金守寧州。陷黨，籍除名。會赦，復官。終東平倅。有漆園集。

楊興宗

高陵人。有龍南集。

趙亮功

華州人。嘗監富平酒。

賈泳

字漢甫，洛陽人。

范墀

字元涉，系出穎川。有詩話行世。

白賁

汴人。自號洪壽老。

姚孝錫

字仲純，豐縣人。宋政和中，登科。仕金，為五臺簿。葉官家。焉時年二十九至八十三，乃終。自號醉軒。所著有雞肋集。

劉或

字公茂，安陽人。天眷五年，經義第二。人仕至翰林脩撰。自號香巖居士。

晁會

字公錫，高平人。宋宣和武舉，為太子洗馬。金天眷二年，經義進士。歷虞鄉、高、氏、臨晉三縣令。以興平軍節度副使致仕。有泚水集。

王璿

字君玉，太原人。天眷二年，進士。仕至汾陽軍節度使。

王珣

字汝玉壽弟皇統九年進士

施宜生

字明望浦城人原名遠字必達宋宣和中有聲上庠入金改名登第至翰林學士自號三住老人有集行世

朱自牧

字好謙棣州厭次人皇統中登科大定初官同知晉寧軍事

李晏

字致美高平人皇統二年經義進士累遷遼陽幕官入翰林為學士拜御史中丞自禮部尚書出為昭毅軍節度使自號游仙野人

韓汝嘉

字公度宛平人皇統二年進士累官員定路轉運坐公事遷清州防禦召為翰林侍讀學士

郭長倩

字曼卿文登人皇統經義乙科仕至秘書少監兼禮部郎中脩起居注前集

董師中

字紹祖邯鄲人後徙洺州皇統九年進士累擢大理卿御史中丞承安中拜參知政事進尚書左丞卒謚文定有漳川集

麻秉彝

臨晉人皇統九年進士第歷官兵部侍郎

趙慤

字叔通宋末為鄆州學正入金登科仕至同知南京路轉運

蔡珪

字正甫右丞相松年子天德三年進士累遷翰林脩撰同知制誥歷禮部郎中以疾除濰州刺史致仕有集五十五卷

劉汲

字伯深南山翁為子天德三年進士釋褐慶州軍事判官入翰林為供奉自號西巖老人有西巖集

御選金詩

卷一 姓名爵里

三

劉瞻

字巖老亳州人天德三年南榜登科大定初召為史館編脩自號樓寧居士有集行於世

王寂

字元老薊州玉田人天德三年進士仕至中都路轉運使卒謚文肅有拙軒集北遷錄

喬宸

字君章初名逢辰洪洞人天德三年進士自號蓮峰真逸

雷思

字西仲應州渾源人天德三年進士仕至同知北京轉運使自號學易先生

宋楫

字濟川長子人天德三年擢第歷官孟州防禦使

趙可

字獻之高平人貞元二年進士仕至翰林直學士有五峰散人集

劉長言

字宣叔東平人正隆間官宰相

鄭子聃

字景純大定人天德三年第三人登科累官吏部侍郎改侍講學士兼脩國史

張萬公

字良輔東阿人正隆二年進士明昌二年累擢參知政事拜平章政事封壽國公致政後復起判河南安撫山東歸卒謚文貞繪像行慶宮配

郝保

字子玉太原人正隆二年進士仕至河東北路轉運使有虛舟居士集

廟廷 享宗

任詢 字君謨 易州軍市人 正隆二年進士 第歷省掾 大名 總幕 益都 都勾判官 北京鹽使 課殿 降 泰州 節廳

馮子翼 字士美 大定人 正隆二年進士 以同知 臨海軍節度使 事致仕

劉仲尹 字致君 蓋州人 遷 沃州 正隆二年進士 以 路州 節度 副使 名為 都水 監丞

王啟 字希畢 大興人 正隆二年進士 累遷 工部 侍郎 以 河 南北 路 提刑 使 拜 吏部 尚書 出 為 絳陽 軍節度 使

高公振 字特夫 士談子 正隆 進士 仕 至 密州 刺史

路仲顯 字伯達 冀州人 史作 伯遠 字 仲顯 正隆 五年 進士 第 累遷 尚書 禮部 員 外郎 兼 翰林 脩撰 歷 刑部 侍郎 太常 卿 拜 安國 軍節度 使 改 鎮 武安

張汝霖 字仲澤 遼陽人 第進士 累 拜 平章 政事 封 莘國 公

王遵古 字元仲 能岳人 正隆 五年 進士 仕 為 翰林 直學士

元日能

魏道明 字元道 易縣人 第進士 仕 至 安國 軍節 度使 自號 雷溪子 所著 有 鼎新 詩話

張公藥 字元石 以文 蔭入 仕 嘗 為 鄭城 今有 竹堂 集

御選金詩 卷一 姓名爵里

史旭 字景陽 第進士 歷 臨真 秀容 一縣 今有 詩一卷

高德裔 字曼卿 鶴野人 擢進士 第 仕 至 西京 路轉 運使

楊子益 柏山人 正隆 二年 任 聞喜 令

桑之維 字之才 恩州 人 有 東臯 集

步元舉 關中 人

馮文叔 遼東 人

張庭玉 字子榮 易縣 人

宗道 字雲叟 山陰 人

鮮于溥 字彥仁 以門 資 仕 終 樞陽 令

陳君可 永寧人 見 歸潛 志

耶律履 字履道 東丹王 七世 孫 舉 蔭 補 國史 掾 累 遷 薊州 刺史 入 翰林 為 脩撰 歷 直學士 待制 禮部 尚書 特 賜 孟宗 獻 擢 進士 第 拜 參知 政事 明昌 初

進右丞自號
忘言居士

孟宗獻 字友之開封人大定三年鄉府省御四試皆第一供奉翰林曹王府文學兼記室參軍終同知單州軍州事

趙攄 字子充宛平人自號醉全老人

梁襄 字公贊絳州人登大定三年進士第累遷監察御史歷隴州刺史終保大軍節度使

高有鄰 字德卿遂城人大定三年第進士累遷安國軍節度使拜工部尚書致仕

許安仁 字子靖河間樂壽人大定七年進士累遷禮部員外郎歷同知河南府事以汾陽軍節度使致仕

郭用中 字仲正平陽人大定七年進士歷浮山簿陝州錄事有寂照居士集

党懷英 字世傑奉符人大定十年擢進士甲科仕至翰林學士承旨卒謚文獻

李獻可 字仲和遼東人大定十年進士歷州縣入翰林累遷戶部侍郎終山東西路提刑使大安初贈特進道國公

趙承元 字善良其先汴人後籍河間大定十三年詞賦第一人除應奉翰林文字兼曹王府文學

劉迎 字無黨東萊人初以廕試部掾大定十三年用薦書對策明年登進士第除幽王府記室改太子司經自號無諍居士有詩文樂府號山林長語

御選金詩 卷一 姓名爵里

五

孫鐸 字振之恩州人大定十三年進士累擢戶部尚書晚入政府遷尚書右丞卒贈太子太師

王庭堅 字子貞遵古仲子

王庭筠 字子端庭堅弟大定十六年甲科歷州縣用薦供奉翰林坐累謫鄭州幕後為愴撰自號黃華山主有集四十卷

王萬慶 字禧伯史作曼慶自號滄游庭筠子仕為行尚書省左右司郎中

王明伯 萬慶從弟

趙之傑 字伯英本名宗傑大定人仕至太常卿

趙鼎 字德新樂城人大定十六年進士仕至西京路轉運使

毛麾 字牧達平陽人大定十六年舉學行特賜進士出身授校書郎歷同知沁州軍州事有平水集

王琢 字器之平陽人有姑汾漫士集

張行簡 字敬甫昔州日照人大定十九年詞賦第一人南渡後累遷禮部尚書太子太保翰林學士承旨卒謚文正有集三十卷

張行中 字信甫初名行忠行簡弟大定二十八年進士歷參知政事出為靜難軍節度使正大初召拜尚書左丞

趙颯 字文孺東平人大定二十二年第進

路鐸 字宣叔仲顯子明昌三年為左三郎司正遷右拾遺累擢翰林待制
兼知登聞鼓院歷除孟州防禦使城陷投沁水死有虛舟居士集

劉昂 字之昂興州人大定十九年進士累遷國子司業擢左司郎中

尹無忌 明昌時人

周昂 字德卿真定人擢進士第累拜監察御史謫東海還入翰林出佐三司從宗室承裕軍城陷殉難有常山集

王礪 字逸賓世家臨洛後為汴梁人以薦得鹿邑簿就乞致仕

田特秀 字彥實易縣人大定十九年進士仕至太原轉運使

高汝礪 字巖甫應州金城人大定十九年進士第累遷石州刺史入為左司郎中擢左諫議大夫拜戶部尚書貞祐初參知政事歷尚書左丞與定四

年拜平章事進尚書右丞相監脩國史封壽國公正大元年卒配享宣宗廟廷

楊邦基 字德茂大定中進士仕至秘書監禮部尚書

楊庭秀 字德懋華州人大定中進士仕至澤州刺史致仕後坐累被法

御選金詩 卷一 姓名爵里

蕭貢 字真卿咸陽人大定二十二年進士自省掾拜監察御史歷刑部侍郎南京都轉運使御史中丞以戶部尚書致仕卒謚文簡有集十卷

路忱 字子誠平郭人大定二十二年進士累遷監察御史終河東北路轉運副使

宗端脩 字平叔一字伯正汝州人大定二十二年進士明昌中自省掾拜監察御史貶官終全州節度副使

趙秉文 字周臣滏陽人自號開闢大定二十五年進士應奉翰林文字歷拜禮部尚書兼侍讀同脩國史知集賢院有滏水集二十卷

胥鼎 字和之代州繁峙人大定二十八年進士至寧初由戶部尚書參知政事歷尚書右丞出鎮汾陽移平陽宣撫河南南路授樞密副使進平章事累

封英 國公

史公奕 字季宏大名人大定二十八年進士再中博學宏詞科累遷著作郎翰林修撰同知集賢院正中以益政院直學士致仕有洄水集

朱灝 字巨觀之才子大定二十八年進士歷諸王文學應奉翰林文字終待制

張毅 字伯英臨潁人大定二十八年進士歷刑部郎中同知河南府遷河東南路轉運使權行六部尚書安撫使

張毅 字伯玉毅弟舉進士再上不第

張翰 字林卿秀容人大定二十八年進士累遷監察御史翰林直學士貞祐初戶部侍郎南渡出為河平軍節度使召拜戶部尚書

張翰 字林卿秀容人大定二十八年進士累遷監察御史翰林直學士貞祐初戶部侍郎南渡出為河平軍節度使召拜戶部尚書

高廷玉 字獻臣思州人大定末進士貞祐中自左
右司郎官出為河南府治中被陷殞於獄

呂子羽 字唐卿大興人大定末
進士仕至陳州防禦使

劉仲傑 字時彥山東濱州人大定間
歷鄆城清河令遷太常博士

趙文昌 字當時陵川人仕
至京兆轉運副使

麗權 字元興安陽人用門資入仕明
昌初召為著作郎有披軒集

景覃 字伯仁華陰人
有渭濱野叟集

段繼昌 字子新白水人
自號適安居士

靖天民 字達卿滏陽人
自號南湖老人

王去非 字廣道
平陰人

盧元 字子達玉田人擢第後復中
宏詞科入翰林苑累遷待制

李通 字平甫樂城人明昌二年進士泰和中為大
興幕官以東平治中致仕自號寄菴先生

御選金詩 卷一 姓名爵里

劉濤 字及之夏津人明昌二年同進士用薦入翰苑歷太
原運副汾州倅入為太子贊善以彰德治中致仕

李好復 字仲通安喜人明昌二
年進士仕至滑州刺史

趙文昌 字公權平陽人明昌二年
進士仕至遼東路鹽使

張檝 字巨濟先世泰州長春人後占籍山陰明
昌五年詞賦第一人仕至鎮戎州刺史

楊雲翼 字之美樂平人明昌五年經義進士第一人復中
詞賦乙科累拜吏部尚書翰林學士卒諡文獻

劉中 字正夫漁陽人中明昌五年詞賦經義第以
首掾從軍改授翰林應奉文字終左司都事

龐鑄 字才卿大興人史作遼東人明昌五年進士仕至翰
林待制遷戶部侍郎坐累改京兆運使自號默翁

田琢 字器之雲朔人明昌五年進士仕至山東東路轉
運權知益都府事行六部尚書宣差便宜招撫使

陳規 字正叔稷山人明昌五
年進士仕至右司諫

韓玉 字溫甫其先相人徙漁陽明昌五年經義詞賦兩科進士入
翰林為應奉應制歷河平節度使以誣陷被囚卒於華州

王擴 字充之永平人明昌五年進士累遷監察御史崇慶初河東北路
按察僉事貞祐中權陝西西路轉運使行六部尚書卒諡剛毅

趙伯成

字子文宛平人明昌五年經義詞賦兩科進士累遷侍御史拜中丞陝西西路轉運靜難軍節度使哀宗即位召為吏部尚書

梁仲新

字良輔朝城人明昌五年進士終許州錄事

趙思文

字庭玉永平人明昌五年進士歷金安集慶兩軍節度使召拜禮部尚書

張建

字吉甫蒲城人明昌初舉才行授絳州教召為宮教應奉翰林文字超同知華州防禦使自號蘭泉老人有集

王世賞

字彥功汴人明昌中舉才行賜出身釋褐鞏州教授終鹿邑簿有浚水老人集

李純甫

字之純弘州湘陰人承安二年經義進士再入翰林任至尚書左司都事以斥終京兆府判官有屏山集

閻長言

字子秀初名詠濟南長清人擢第後入翰苑出為河南府治中被召道卒

李著

字彥明真定人承安二年經義第一人自翰林出副定州召為戶部員外郎坐黨事謫官歷彰德治中城陷殉難

馮璧

字叔獻別字天粹承安二年進士歷州縣召入翰林再為曹郎興定末以同知集慶軍節度使事致仕

王若虛

字從之景城人承安二年經義進士釋褐廓州錄事歷門山令入翰林自應奉轉直學士

李芳

字執剛大興人承安二年進士歷坊州刺史同知都轉運使事

御選金詩

卷一 姓名韻里

石抹世勳

字晉卿一字景略承安五年進士第仕至禮部尚書兼翰林侍講學士

范中

字極之大興人承安中進士累官京西路司農少卿滑州刺史

劉昂

字次霄濟南人承安五年進士調鄆縣令

王仲元

字清卿平陰人承安中進士歷京兆轉運幕官

盧洵

字仁甫高平人晚年登科仕至宜陽令

刁白

字晉卿信都人登乙科歷涇州幕入補省掾

李節

字正臣涇州人初名守節哀宗即位去守字擢呂造榜進士

許古

字道真伊陽人承安中進士仕至右司諫

楊慥

字叔玉代州五臺人承安五年進士累拜侍御史歷戶部侍郎權尚書權參知政事

王良臣

字大用潞人承安五年進士入翰林與定初自請北行沒於軍贈孟州防禦使

劉祖謙

字光甫安邑人承安五年進士歷州縣拜監察御史正大初為右司都事除武勝軍節度副使召為翰林脩撰

劉鐸 字文仲冀州棗強人承安五年進士元光二年入為太常博士正大

王或 字子文洺州人承安中進士為尚書省掾

董文甫 字國華潞人承安中進士歷禮部員外郎昌武軍節度副使

師拓 字無忌平涼人

魏搏霄 字飛卿初用廕補官以薦從事史館明昌中宏詞中選授應奉翰林文字

史肅 字舜元京兆人擢進士第累拜監察御史遷治書出刺通州坐黨謫官大安初超戶部正郎復坐鐻降同知汾州事有澹軒遺藁

元德明 太原秀容人有東巖集三卷

郝天挺 字晉卿澤州陵川人

高憲 字仲常遼東人泰和三年乙科登第釋褐博州防禦判官

王特起 字正之代州崞縣人泰和三年進士甲科仕至司竹監使

白君舉 失其名號寓齋隩州人登泰和三年詞賦第

御選金詩 卷一 姓名爵里

劉光謙 字達卿瀋州人泰和三年進士累官司農少卿

毛端卿 字飛卿彭城人泰和三年擢第累遷提舉權貨司戶部員外郎坐累降鄭州司候改孟津丞

梁持勝 字經甫絳州人本名洵義泰和六年進士制策優等宏辭亦中選由太學博士為咸平治中宗室承裕辟為僚佐承裕死太平有異謀不屈遇害贈韓州刺史

張溫 字元佐上黨人泰和六年乙科登第

孫鎮 字安常絳州人嘗中省試魁承安二年五赴廷試賜第以陝令致仕

李經 字天英錦州人

趙元 一名宜祿字宜之定襄人經重出身舉進士不第以年及調鞏西簿自號愚軒

張瓚 字器之河中人以鄉試魁陝西河東

呂中孚 字信臣冀州南宮人有清漳集

王元節 字子元弘州人詞賦進士第終密州觀察判官自號遜齋老人

李端甫 字濟夫同州人第進士仕為平定州軍事判官

張著 字仲揚永安人泰和五年以詩名召見應制稱旨特恩授監御府書畫

岳行甫 字仁老廊州洛川人

李解 字公渡相人

張琚 字子玉河中人大定中第進士仕至同知定國節度使事有韋齋集

衛承慶 字昌叔襄城人

趙滋 字濟甫本出馮翊後為汴人

王中立 字湯臣奇嵐人晚年易名雲鶴自號擬桐

郭安民 官左司諫

張昌祚 睢陽人官編脩

酈掖 官編脩

御選金詩 卷一 姓名爵里

高延年 官應奉翰林文字

孫錡 字安世絳州人擢進士第歷同知定遠軍節度使終寧州刺史

震仲澤 官按察使見蒲城縣志

崔巍 官提學

楊用道 仕至中奉大夫見長山志

金全 官知府

王术 官刺史

劉仲游 官京兆同尹

高逸 官臨晉令

鄭輝 任翼城縣丞

翟升 字利夫平陰人進士

楊天衢 鄉貢進士

梅澤 見長安縣志

劉方叔 見臨潼縣志

完顏奉國 見蒲城縣志

雷發

胡光謙

何慮

楊之休

劉廷彥

李中立

李永安

御選金詩

李楫

祁昌紹

劉從益 字雲卿渾源人大安元年詞賦進士拜監察御史坐罪去官起為葉縣令召授翰林應奉文字有蓬門先生集

宋九嘉 入為右警巡使應奉翰林文字

康錫 字伯祿寧晉人崇慶二年擢進士第累拜監察御史選右司都事京南路司農丞以河中充行六部郎中從軍城陷沒於水

雷淵 字希顏別字季默思季子崇慶二年進士甲科累遷應奉翰林文字同知制誥兼國史院編脩官拜監察御史終翰林脩撰

冀禹錫 字京父龍山人崇慶二年進士累授左右司都事兼應奉翰林文字官奴之變赴水死

李獻能 字欽叔河中人貞祐三年以省元特賜詞賦進士第一人宏詞優等授應奉翰林文字累遷脩撰以鎮南節度副使充河中經歷官正大中權

陝府行省左右司郎中軍變及難

李獻甫 字欽用獻能從弟與定五年進士第累遷長安令入為尚書省掾壬辰之丘充行六部員外郎以功遷鎮南軍節度副使兼右警巡使沒於蔡

州之難所著有天悅集

卷一 姓名爵里

二

王渥 字仲澤以字行 興定二年進士累遷寧陵令入為尚書省掾歷權右司郎中

馬天來 字靈章一作元章介休人崇寧二年經義進士 大安初調穎州司候靈巽簿召為國史編脩官

賈益謙 字亨甫本名守謙宣宗朝參知政事出知濟南移鎮河中南渡後召拜左丞尋致仕

張本 字敬之觀津人貞祐二年進士終翰林學士

申萬全 字百勝高平人貞祐二年乙科調福昌簿不赴正大中召為史館編脩

李過庭 字庭訓武亭人貞祐二年進士歷宜陽永寧榮陽三縣令入為右曹掾正大中擢右三部司正終昌武軍節度副使

李天翼 字輔之固安人貞祐二年進士歷縣令遷右警巡使碎濟濟南漕司從事

劉微 字伯祥益都人七歲能文道陵召入宮賦鳳皇來儀二首稱旨賜經童出身係籍太學後登貞祐二年第

張德直 字伯直平陽人貞祐三年進士歷簿令召補省掾選授右警巡使終同知武勝軍節度使事

馮辰 字駕之臨潼人貞祐三年進士碎涇陽令

王世昌 字慶長寧州人貞祐三年同進士出身以信都丞致仕

御選金詩 卷一 姓名爵里

李廣 貞祐初嘗辟沁水令

周馳 字仲才濟南人大定中住太學屢以策論魁天下貞祐中濟南陷赴井殉難

史士舉 字仲升榮澤人以廢補官歷銅鞮三川兩縣令貞祐之亂太行失守義不受辱投絕澗殉難

郭邦彥 字平叔鄆縣人占籍陽翟 興定五年進士調永城簿

田錫 字永錫宛平人興定五年進士調新蔡簿

元好古 字敏之德明長子

秦略 字簡夫陵川人自號西溪老人有集

崔遵 字懷祖北燕人

劉昂霄 字景元別字季房陵川人用門資調慶陽軍器庫使不就薦試宏詞未及赴卒

田紫芝 字德秀滄州人

王萬鍾 字元卿秀容人

郭宣道

字德明
邢州人

張仲宣

字利夫
相州人
舉進士有聲

胡汲

字直卿
衛州人

王脩齡

字紹先
同州人

王敏夫

五臺人

孫益

字德裕
秀容人

孫邦傑

字伯英
雄州容城人
有聲太學
與定初棄家為黃冠師

張瓚

字君玉
大名朝城人

徐好問

字裕之
水寧人

呂大鵬

字鵬舉
密縣人

高永

字信卿
盤陽人
初名夔
字舜卿
又名揆

御選金詩

卷一

姓名爵里

曹用之

歸德人

馬舜卿

名肩龍
以字行
宛平人
以太學生上書白宗室從坦
寬授東平錄事
歿鳳翔軍中
詔贈官配食褒忠廟

張子權

字元興
臨漳人
第進士
見彰德志題名

張介

字介夫
彭城人
正大元年經義第一
人歷鞏穀熟二縣令

麻九疇

字知幾
莫州人
興定末
試開封南省經義詞賦皆第一
正大三年薦
試館職
賜二甲第一人
及第授太祝
權太常博士
應奉翰林文字
大中以六赴廷試
賜出身
調宜君簿

王革

字德新
一名著
臨潢人
以廕補官
正

史才

字才長
延安人

史學

字學優
才弟
正大中
省試第一人
釋褐
舞陽簿
辟盧氏令

龐漢

字茂弘
平晉人
正大末年進士

宋景蕭

字望之
長子
正大六年進士
辟泰安令

劉勳

字少宣
洛陽人
徙雲中
復占籍濟南

趙達夫

太原人

張子和

初名從正睢州考城人精於醫常召入太醫院

辛愿

字敬之福昌人自稱老几野人亦號溪南詩老

雷瑄

字伯威坊州人以薦書從事史館調入作司使

李汾

字長源平晉人元光末以薦從事史館署尚書省講議官

邢安國

字仲祥沁州武鄉人有丹崖集

王子可

東吉州人

薛繼先

字曼卿猗氏人三赴廷試隱居洛西山中正大末與高仲振宋可張潛曹珪王汝梅同被薦廷議授官以亂不果

宋可

字子之武陟人

張潛

字仲升武清人

曹珪

字子玉磁陽人

御選金詩

卷一

姓名爵里

李夷

字子遷更名猷宛丘人

張澄

字之純別字仲經本出遼東後為洛水人官參議

侯冊

字君澤以門資仕

王元粹

字子正初名元亮又名粹平州人正大末用門資敘為南陽酒官亂後歸燕中為黃冠師主太極道院

王鬱

字飛伯大興人天興初嘗上書言事不報

木虎邃

字士元初名珙字溫伯女直納鄰猛安人

烏林苔爽

字肅孺女直世襲謀克天興初殉難

馮延登

字子駿吉州人承安二年進士仕至禮部侍郎天興中殉難歿於井有橫溪翁集

王賓

字德卿亳社人貞祐二年進士由虹縣令入為尚書省令史天興初同知集慶軍節度使事明年詔行六部尚書事賜世爵軍變遇害

李俊民

字用章別號鶴鳴老人澤州人承安五年經義進士第一人應奉翰林文字棄官隱嵩山入元不仕卒賜諡莊靖先生有集十卷

元好問

字裕之德明次子登興定三年進士第自南陽令調內鄉歷尚書省掾左司都事負外郎天興初入翰林知制誥入元不仕有遺山集

杜仁傑 字仲梁濟南長清人

麻革 字信之秉彝孫隱居教授晚號貽溪

張宇 字彥升號石泉

陳賡 字子颺蒲州人任河東山西道行中書省參議

陳庚 字子京賡弟仕至平陽提舉

房皞 字希白自號白雲子

段克己 字復之號避菴河東人世居絳之稷山以進士貢避地龍門山與從弟成己齊名時稱二妙有二妙集

段成己 字誠之號菊軒克己從弟正大中第進士授宜陽簿入元不仕

曹之謙 字益甫雲中應人進士甲科嘗為東曹掾

羽流衲子

王喜 初名中字允卿更名世雄字德威後入道改今名字知明咸陽人一云藍屋人於寧海立全真觀道號重陽子

御選金詩 卷一 姓名爵里

譚處瑞 一名玉號長真子東牟人從重陽子游學道終南山

秦彥容 畧子為黃冠師

离峰老人 羽士失其名姓有集二卷

可道 見中州集稱香巖上人

瑩 隴州人白君舉之弟號火山禪師

箕和尚 嘗住峴山

行秀 自號萬松野老居仰山章宗臨幸賜之以詩所著有從容菴錄

圓基 字子初姓田氏北人嘗住南京靜安寺

閨秀

馮氏婦 武安縣農家太和時人

女冠元氏 好問女弟

張秦娥 見左司劉昂贈詩

無名氏

三興居士 阜昌中人

天游老人 詩作於明昌六年

替皇山寺客 見續夷堅志

鬼怪

玉真 見續夷堅志

浙川木中詩

御選金詩姓名爵里卷第一

御選金詩 卷一 姓名爵里

御選金詩卷首目錄

帝製詩

顯宗二首

章宗四首

宗藩詩

附

密國公璿四十二首

御選金詩

卷首

目錄

一

御選金詩卷首

帝製詩

顯宗

賜石右相琚生日之壽

黃閣今姚宋青宮舊綺園繡綺歸里社冠蓋畫都門善
訓懷師席深仁寄壽尊所期河潤溥餘福被元元

風箏

心與寥寥太古通手隨輕籟入天風山長水闊無尋處
聲在亂雲空碧中

章宗

命翰林待制朱瀾侍夜飲

御選金詩

卷首

顯宗

章宗

一

夜飲何所樂所樂無喧譁三杯淡醺醪一曲冷琵琶坐
久香成穗夜深燈欲花陶陶復陶陶醉鄉豈有涯

駕幸萬松賜行秀

參差雲影幾千重高出塵寰迥不同金色界中兜率境
碧蓮花裏梵王宮鶴驚清露三更月虎嘯疎林萬壑風
試拂華箋惟幙寫詩成任識自非工

宮中詞

五雲金碧拱朝霞樓角崢嶸帝子家三十六宮簾盡捲
東風無處不楊花

雲龍川泰和殿五月牡丹

洛陽穀雨紅千葉嶺外朱明玉一枝地力發生雖有異

天公造物本無私

宗藩詩

附

密國公疇

漁父詞二首

楊柳風前白板扉
荷花雨裏綠蓑衣
紅稻美錦鱗肥
漁笛閒拈月下吹

釣得魚來卧看書
船頭穩置酒葫蘆
煙際柳雨中蒲乞
與人間作畫圖

自適

晴晝搖涼光長空澹
虛碧燕鴻亦何爲
老翅南又北
衰柳隨殘葉庭戶覺岑寂
幽人誦佛書清香縈几席
西方御選金詩

卷首 密國公疇

二

病維摩東臯醉王績俱到忘言地
佳處畧相敵小齋蝸
角許夜卧膝仍屈能以道眼觀寬大
猶四極有書貯實
腹無事梗虛臆謝絕聲利徒尚友古遺直

送王生西遊

紫陘仙人今淵雲
騎風御氣七尺身
丈夫恥與噲等伍
故作野鶴昂雞羣
往年書劍游梁日
咳唾中間滿珠璧
溫子徒勞手八叉
蘇老猶迷目五色
慨然拂袖遊嵩陽
西南陌上書傳香
仲宣堂堂舍我去
舉杯却愁愁更長
去程相近黃花節
三十六峰如玉列
龍門楓葉隋紅綃
洛浦蘆花舞晴雪
勳名細事猶秋毫
政可痛飲讀離騷
天津月照紫綺裘
緱嶺風吹青玉簫
我無羽翼隨君起

城西

浩歌相送秋光裏，憑高西望青茫茫。落日無情下寒水，
雁帶邊聲遠牛橫。廢壠長人居似河朔岡，勢接滎陽禾
短新村墅沙平古戰場。悠然望西北，暮色起悲涼。

宴息二首

宴息春光晚，閒眠晝景虛。冥心居大道，達理契真如。樂
對忘形友，欣逢未見書。世間幽隱者，何必盡樵漁。
日日閒窗下，簞瓢樂不殊。花魁穠且艷，湖玉秀而臞。憶
友尋詩卷，思山展畫圖。丹青傳六逸，能著老夫無。

老境

老境唯禪况，幽居似寶坊。酒杯盛硯水，經卷貯詩囊。懶
御選金詩，卷首 密國公璫
三
甚書彌少閒，多夢自長不知何處雨。徑作夜來涼。

北郊晚步

陂水荷彫晚，茅簷燕去涼。遠林明落景，平麓淡秋光。羣
牧歸村巷，孤禽立野航。自諳閒散樂，園圃意尤長。

閒詠

歲晚陶元亮，平生馬少游。彫殘半枯木，浩蕩一虛舟。鶴
望塵迷眼，雞棲屋打頭。瓶儲尚蕭索，焉敢計菟裘。

王生以秋騷見示復以此謝之

三年京國與君遊，每恨知君尚未周。始露雄文陵楚些，
又登長陌佩吳鉤。燈殘茅店雞催曉，霜落金風雁喚秋。
後夜文星出西洛，仲宣知在水南樓。

思歸

四時唯覺漏聲長，幾度吟殘蠟燭缸。
驚夢故人風動竹，催春羯鼓雨敲窗。
新詩淡似鷺黃酒，歸思濃如鴨綠江。
遙想翠雲亭下水，滿陂青草鷺鷥雙。

如菴樂事

人間最美安心睡，睡起從容盥漱終。
七卷蓮經蕪沈水，一杯湯餅潑油蔥。
因循默坐規禪老，取次拈詩教小童。
炕煖窗明有書冊，不知何者是窮通。

題晉卿王暉寶繪

顧陸張吳寶繪堂，風花雪月保寧坊。
錦囊玉軸三千幅，翠袖金釵十二行。
數筆丹青參季范，一時遷謫爲蘇黃。
御選金詩

卷首

密國公璫

四

太原珍翫名天下，舊跡猶憑古印章。

得友人書

聞有書來喜欲狂，芝翁字久難忘別離歎。
我頭白詩句屢成君馬黃，公幹羈棲猶洛下。
孔明高卧尚南陽，冷官領取閒中趣。
遠勝區區夢蟻忙。

內族子銳歸來堂

一旦能知夢裏真，平生看破主中賓。
歸來堂上忘形友，名利場邊稅駕人。
東郭風煙宜蕙帳，南山猿鶴識綸巾。
清尊雅趣閒棋味，盞盞沖和局局新。

題潘閔夜歸圖

不是詩人灞水孺，又非野老曲江邊。
風姿便認王摩詰。

蘊藉還疑李謫仙
驢背倒騎蓮岳下
牛腰穩跨竹林前
掀髯對月餘高興
明日佳篇幾處傳

漫賦

貧知囊底一錢無
老覺人間萬事虛
富貴儻來終作麼
勳名便了又何如
季鷹未飽松江鱸
魯望將成笠澤書
自是杜門無客過
不關多病故人疎

寓跡

寓跡中山記昔年
西溪卜築欲終焉
飄零何在五枝柳
離亂難歸二頃田
漫叟未能忘野寺
道人猶解識林泉
吾鄉已宅無何有
一笑醯雞盡甕天

秋晚出郭閒遊

御選金詩

卷首 密國公靖

五

塵中俗事海漫漫
暫出城闌借眼寬
沙麓去邊羣牧小
野雲平處一鷗盤
殘荷露水秋光晚
衰柳搖風古渡寒
此幅大年橫景畫
魯岡圖上似曾看

聞趙閒閒再起爲翰林

蓮燭光中久廢吟
一朝超擢睿思深
四朝耆舊大宗伯
三紀聲名老翰林
人道蛟龍得雲雨
我知麋鹿強冠襟
寶巖崆谷西窗夢
不信秋來不上心

絕句

孟津休道濁於涇
若遇承平也敢清
清河朔幾時桑柘底
只談王道不談兵

秋郊雨中

羸駝破蓋雨淋浪一抹煙林覆野塘不著沙禽閒點綴
只橫秋浦更淒涼

梁臺

汴水悠悠蔡水來秋風古道野花開行人驚起田間雉
飛上梁王鼓吹臺

自題寫真

枯木寒灰久亦神因緣來現昨公身只緣酷愛東坡老
人道前身趙德麟

樗軒嘗封胙國公故云

黃華畫古柏

黃華老人畫古柏鐵簡將軍挽大弨意足不求顏色似

荔枝風味配江瑤

鐵簡萬戶以神射名天下

御選金詩

卷首

密國公瑋

六

書龍德宮八景亭

刻楠朱楹隋紺紗裙腰草色趁塔斜誰知剝落亭中石
曾聽宣和玉樹花

池蓮

輕輕姿質淡娟娟點綴圓池亦可憐數點忽飛荷葉雨
暮香分得小江天

梁園

一十八里汴堤柳三十六橋梁苑花縱使風光都似舊
北人見了也思家

釋迦出山息軒畫

龐眉袖手出巖阿及至拈花事已訖千古雪山山下路

杖藜無處避藤蘿

秋日小雨

白鷺徘徊花鴨遊城南城北幾汀洲綠荷風底飛來雨
做弄今年甲子秋

東郊瘦馬

此歲無秋畎畝空病驂難遣蓄枯叢倉儲自益駑駘肉
獨爾空嘶苜蓿風

枕上聽雨

卧聽羯鼓打涼州元是芭蕉細雨秋庭際玉簪開幾許
小窗特地暮香幽

溪景

御選金詩

卷首

密國公璠

七

飛飛鷗鳥自徜徉也解新秋受用涼日暮碧溪微雨過
滿風都是藕花香

題紙衣道者圖

紫袍披上金橫帶藜杖拖來紙掩襟富貴山林爭幾許
萬緣唯要總無心

春半喜晴

陰寒二月雪含雲兩日開晴淑景新借問海棠紅幾許
杏花楊柳不曾春

馬伏波

可歎迂疎一老翁豈堪牀下拜梁松明珠惹以猶難辨
萬里爭教論杜龍

留侯

辟穀輕身慕赤松不知誰舉傳春宮君方避溺猶居水
忍使餘波及四翁

對鏡二首

鏡中色相類吾深吾面終難鏡裏尋明月印空空受月
是他空月本無心
明明非淺亦非深何事癡人泥影尋照見大千真法體
不關形相不關心

夏晚登樓

登樓晚暑復相攻快意春風忽此逢雲似碧山天似水
霽波平浸兩三峰

御選金詩

卷首

密國公禱

華亭

世尊遺法本忘言教外別傳意已圓隻履攜將蔥嶺去
不妨來上月明船

御選金詩卷首

御選金詩卷第一目錄

四言詩

趙秉文二首

李經一首

麻九疇一首

李俊民一首

段克己一首

樂府歌行

宇文虛中二首

高士談一首

馬定國一首

御選金詩

卷一 目錄

朱之才二首

蔡珪九首

党懷英一首

任詢一首

劉迎六首

王庭筠一首

蕭貢三首

趙秉文六首

張穀一首

閻長吉一首

師拓二首

元德明一首

李獻甫三首

秦略一首

王脩齡一首

李汾一首

王鬱八首

元好問三十五首

杜仁傑一首

麻革二首

房皞三首

御選金詩

卷一

目錄

二

御選金詩卷第一

四言詩

趙秉文

時雨

并序

時雨美胥莘公也公以行臺移鎮平陽鄰畏其威
民懷其德焉

天降時雨山川出雲天相休運是生世臣維我世臣乃
國於莘天子命之牧爾邦民北風喞喞雨雪霏霏嗟我
晉人而瘡而痍吹之响之摩之拊之于燠其寒于飽其
飢旣瘳旣夷不嘔以嘻孰爲豺虎載柵載壘孰爲蝨賊
載艾載理無擾我鄉我鄉我里無伐我桑我桑我梓遠
御選金詩

卷一

趙秉文

一

吏脫矣我民休矣公在於堂如春斯溫激矢在壺折衝
于樽民安于屢兵安于屯公在於堂錦衣繡裳敝予改
爲斯民不忘公在於堂繡裳錦衣我民之思無俾公歸

皇武

并序

皇武命平章公移鎮陝右也

皇奮厥武如雷如霆擴彼遠夷載震載驚帝命相臣蘇
我衆氓維時莘公展也大成公自平陽移鎮於秦世皆
謂公在處陽春公在于秦有年無兵世皆謂公斯民德
星繼此二方不寧不令帥臣議征發言盈廷公奏累上
如山不傾並皆謂公漢之營平旣完三輔復完五城以
迄於今夏人請盟繼將盡能維公爲誠公拜稽首天子

之明我公歸矣我民思矣詔公復起周邦咸喜願公百年以佐天子罔俾樊侯於周專美

李經

雜詩

巖椒鬱雲日夕生陰雨雪縞夜秋黃老人煙墨突樵徑雲深

麻九疇

李道人嵩陽歸隱圖

城郭維崇井里維通冠蓋維錯紉綺維叢云誰之子招子歸嵩舍我箏筑樂彼潺淙食彼瓦缶遺我鼎鐘云誰之子繪子歸嵩離人友鹿避俗朋松石齧我足泉瘦我御選金詩

卷一

李經

麻九疇

二

隴吾恐時人笑子歸嵩有山有怪有水有龍盜出寇沒嘯兇咻熊吾恐狂人誑子歸嵩子謂我言決意歸嵩歸嵩何如如鴻避弋如鶴脫籠與幻俱化與化俱融是以歸嵩南山重重翠如植葱北山隆隆紺如堆銅仰嵩俛嵩雨濯雲烘嵩之爲我我之爲嵩我聞子言衣如張風心先去鳥層雲盪胸靜言思之富爲目嵩貴爲心蓬飾說于令詎知任公歸嵩良是生龜脫筒子不歸嵩送子歸嵩

李俊民

蕭權府三害圖

長橋之蛟南山之虎在彼州曲父老所苦豈獨若此亦

有周處周乃慨然恥聞斯語薄險投深踴躍健武爾蛟
既除爾虎既去周乃自勵履規蹈矩卒以將種効忠典
午按劍平西貞節克舉瑕以瑜掩過以功補身雖云亡
名播千古

段克己

贈薛寶臣疎梅凍雀圖并以頌之

元冥司候百卉具衰此花獨秀於江之湄傲雪凌霜冰
清玉潔孤根盤石凍柯浸月意彼寒雀婉姿相依飲香
啄蕊生死不離歲暮貞心粲粲清節孰與薦延移歸金
闕鳳鳥不至惡木日滋窮通有命舍是奚爲

樂府歌行

御選金詩

卷一

李俊民

段克己

宇文虛中

三

宇文虛中

古劍行

爲劉善長作

公家祖皇提三尺素靈中斷開王迹自從武庫衝屋飛
化作文星照東壁夫君安得此龍泉秋水湛湛浮青天
夔臚奔喘禺強護中夜躍出光蜿蜒拄頤櫺具男兒飾
彈缺長歌氣填臆嶙峋折檻霽天威將軍拜伏姦臣泣
龍泉爾莫矜雄鉞不見烏盡良弓藏會當鑄汝爲農器
一劍不如書數行

烏夜啼

汝琴莫作歸鳳鳴汝曲莫裁白鶴怨明珠破壁挂高城
上有烏啼人不見堂中蠟炬紅生花門前紺幃七香車

博山夜長香燼冷悠悠蕩子留倡家妾機尚餘數梭錦
織恨傳情還未忍城烏爲我盡情啼知道單棲淚盈枕

高士談

春愁曲

壓花曉露萬珠冷金井呶啞轉纖綆寶階寂寂苔紋深
東風搖碎湘簾影芙蓉帳暖春眠重窗外啼鶯喚新夢
推枕起來嬌翠顰一線沈煙困金鳳游絲飛絮俱悠颺
慵倚繡牀春晝長郎馬不嘶芳草暗半篩急雨飛橫塘

馬定國

長相思

歷歷春陽被羣木白沙淺水明如鵲結廬聊可障雨風
御選金詩卷一 高士談 馬定國 朱之才四
學道未能充耳目故人家居紫翠傍枳籬日落青山長
歲云晏矣不可見望盡楚天飛鳥行

朱之才

南越行

南越太后邯鄲女皓齒明眸照蠻土珊瑚爲帳象作牀
錦繖高張擊銅鼓太液池內紅芙蓉自憐謫隨蠻煙中
灞陵故人杳無耗深宮獨看南飛鴻隨兒作帝心不願
惟願西朝柏梁殿茂陵劉郎亦可人遣郎海角來相見
金猊夜燎龍涎香明珠火齊爭煌煌番禺秦甸隔萬里
今夕得遂雙鴛鴦白首相君佩銀印干戈欲起蕭牆釁
莫言女子無雄心置酒宮中潛結陣漢家使者懦且柔

纖手自欲操霜矛孤鸞竟落老梟手可憐空奮韓千秋
樓船戈鋌師四起或出桂陽下灘水越郎追斬呂嘉頭
九郡同歸漢天子尉佗墳草幾番青霸業猶與炎洲橫
玉壘初從真定得黃屋却為邯鄲傾五羊江連湘浦竹
嬌魂應伴湘娥哭

後薄薄酒

薄酒麤衣吾何悲醜婦自醜吾不知道眼混圓宜不二
媿美妍陋無殊歸瓦礫石曰斟吾酒脫粟藜羹皆可口
醉境陶然無後憂玉盃浮蛆彼何有漢文天子猶弋綈
士服麤布乃所宜要繩屐葛同一暖霧縠冰紋徒爾為
無鹽如漆后齊桓孟光舉白配伯鸞古來傾城由括婦
御選金詩 卷一 朱之才 蔡珪 五
有國乃令家國安我能遣婦縫麤對婦飲薄傍人大笑
吾不惡

蔡珪

野鷹來

南山有奇鷹冥穴千仞山網羅雖欲施藤石不可攀鷹
朝飛聳肩下視平蕪低健狐躍兔藏何遲鷹莫來腹肉
一飽精神開招呼不上劉表臺錦衣少年莫留意飢飽
不能隨爾輩

撞冰行

船頭傳鐵橫長錐十五五張黃旗百夫袖手略無用
舟過理棹徐徐歸吳儂笑向吾曹說昔歲江行苦風雪

揚槌啟路夜撞冰手皮半逐冰皮裂今年窮臘波溶溶
安流東下閒篙工江東賈客借餘潤貞元使者如春風
樓外春山幾點螺樓頭望處染雙蛾不知深淺隨宜否
却倩菱花問眼波

畫眉曲七首

小閣新裁寄遠書書成欲遣更踟躕黛痕試與雙雙印
封入雲箋認得無

織葉斜橫蜀柳條拂成風思自妖嬈元和才子才猶拙
只對春風詠舞腰

畫手新翻十樣圖西巡故事出成都憑君列置華堂上
與問丹青解語無

御選金詩

卷一

蔡珪 党懷英

六

龍尾雲根玉作紋紋間有月半痕新若為喚取文姬輩
分付雲窗筆下春

未識春愁識曉醒嬌啼恰恰似雛鶯日高阿母嗔妝晚
促畫鴉兒轉不成

時世華妝巧鬪春張卿態度獨清新五陵年少多才思
數點章臺走馬人

党懷英

宿舊縣四更而歸道中撫所見作行路難

三星排空山月明思歸客子夜半行單衣短褐風淒清
響踏黃葉棲禽驚匆匆曉轉沙岸側枯蓼寒蘆鳴索率
山月欲隨山煙黑前途無人脚無力行路難堪歎息

任詢

蘇州宴

蘇州女兒嫩如水，髻聳花籠青鳳尾。十二紅裳釀梳洗，
植立唱歌煙霧裏。一人丰稜玉手指，袖挽翠雲彈綠綺。
落花一片天上來，似欲隨人渡江水。曲終宴闌歌一觴，
行人南遊道路長。明日松江千萬頃，煙波雲樹春茫茫。

劉迎

河防行

南州一雨六十日，所至川源皆汎溢。黃河適及秋水時，
夜來決破陳河堤。河神憑陵兩師借，晚未及晴昏復下。
傳聞一百五十邨，蕩盡田園及廬舍。我聞禹時播河爲
御選金詩 卷一 任詢 劉迎 七
九河一河旣滿還之他，川平地迴勢隨弱。安流是以無
驚波，祇今茫茫餘迹未易區。區議疏闢三山橋，壞勢
益南所過泥沙若山積。大梁今世爲陪京，財賦百萬資
甲兵。高談泥古不須爾，且要築堤三百里。鄭爲頭汴爲
尾，准備他時漲河水。

樓前曲

樓前山色秋橫碧，樓下水光秋漫白。眼看對此千里愁，
樓下長歌古離別。蕭蕭郎馬何時歸，雁奴去作斜行飛。
灞橋過客夕陽遠，渭城行人朝雨微。玉淒花冷令人瘦，
日暮倚樓雙翠袖。蕙炷猶殘鷓鴣香，麴塵半著鴛鴦繡。
五雲飛過芙蓉城，洞天冷落雲間笙。妾身有願化春草，

伴君長亭仍短亭

車輶轆

馬虺隤牛齧鯨山行縈紆車輶轆路傍指點是官人老矣一翁雙鬢禿汝牛幸可耕汝馬幸可騎有此可載琴書歸胡爲奔走東西道白髮刁騷被人笑

沙漫漫

沙漫漫草斑斑南山北山相對看我行乃在山之間行人仰不見飛鳥樹木足知邊塞少沙漫漫草斑斑我行欲趁西風還僕夫汝莫愁衣單我但著衣思汝寒

摧車行

渾河洶湧從西來黃流正觸山之崖山崖路窄僅容過

御選金詩

卷一

劉迎

王庭筠

八

小誤往往車輪摧車摧料理動半日後人欲過何艱澀深山日暮人已稀食物有錢無處覓何時真宰遣六丁鏟此疊嶂如掌平憧憧車馬山西路萬古行人易來去

敗車行

前車行後車逐車聲夜隨山詰曲前車失手落高崖車輪直下聲如雷同行急救救不得人牛翻壓鳴聲哀我時潛聞後車說前車使牛何太拙只知拍手笑前人不道後來當改轍前途猶有坡陀在後車當以前車戒

王庭筠

采蓮曲

南北湖亭競采蓮吳娃嬌小得人憐臨行折得新荷葉

却障斜陽入畫船

蕭貢

君馬白

我馬瘦君馬肥我馬虺隤君馬飛雕鞍寶校錦障泥向
風振迅長鳴嘶一朝計落路傍兒銅鬲爲櫛薪爲衣瘦
馬雖瘦骨骼奇古人相馬遺毛皮千金一顧會有期

古採蓮曲

洋洋長江水渺渺漲平湖田田青荇荷艷艷紅芙蕖酣
酣斜日外萋萋涼風餘舊舊誰家子裊裊二八初兩兩
並輕舟笑笑相招呼悠悠波上鴛潑潑蒲中魚采采不
盈手依依欲何如

御選金詩

卷一

王庭筠

蕭貢

趙秉文

九

悲長年

秦兵伏甲武安西趙將非材戰士攜千里陣雲沉曉日
萬家屋瓦震秋聲哀纏朽骨天應泣怨入空山鳥不棲
百戰區區竟何得阿房煙草亦淒迷

趙秉文

擊毬行

錦鞦珠絡四百蹄繡胸嵌花雙後猊分曹入塲鼓聲作
月趁流星馬前落側身下臂疾鳥回霹靂一聲龍門開
玉鞭笑擊金鐙響綠構齊出黃金杖臨階下馬坐廣亭
玉盤行酒跪輸朋蒼頭上馬抱黃帕一點飛塵夕陽下

春水行

先春宮外春水生，鴛鴦飛下寒猶輕。
綠衣探使一鞭信，春風寫入鳴鞘聲。
龍旂曉日迎天仗，小隊長圍圓月樣。
忽聞疊鼓一聲飛，輕紋觸破桃花浪。
內家最愛海東青，錦鞬掣臂翻青冥。
晴空一擊雪花隨，連延十里風毛腥。
初得頭鶩誇得雋，一騎星馳薦陵寢。
歡聲沸入萬年觴，瓊毛散上千官鬣。
不才無力答陽春，羞作長楊侍從臣。
閒與老農歌帝力，歡呼一曲太平人。

扈從行

馬翻翻車轆轆塵土難分真面目，年年扈從春水行。
裁染春山波漾綠，綠鞵珠勒大羽箭。
少年將軍面如玉，車中小婦聽鳴鞭。
遙認飛塵郎馬足，朝隨鼓聲起暮逐旂。
御選金詩

卷一

趙秉文

十

尾宿樂事從今相繼躅，聖皇歲歲萬幾暇。
春水圍鶩秋射鹿

做郎士元寶刀塞上兒

長安俠少年，白馬黃金鞭。
侈騎捧長劍，官儀如殿前。
煙塵生絕塞，烽火照甘泉。
如聞辭第將遺貌，上凌煙。

做張志和西塞

一葉黃飛一葉舟，半竿落日半江秋。
青草渡白蘋洲，歸路月明山上頭。
白頭波上白頭人，黃葉渡西黃葉村。
山幾朶酒盈樽，落日西風送到門。

張鼓

畫石歌

腹非經笥口不肉食胸中止有磊磊落落百千萬之怪
石興來茹噎快一吐將軍便欲關弓射氣毋忽破碎物
怪紛狼籍有時醉狂頭插筆埽盡人間雪色癖

閻長吉

北齊行

天保大人襲世貴未待齊成已無魏讖裏方傳近水羊
夢中先兆攻城蝟六君三世都能幾二十八年翻手裏
細思孝靜靈運詩天道好還非妄矣

師拓

秋夜吟

御選金詩

卷一

張毅

閻長吉

師拓

十一

阪路太行險波濤滄海深素縕未偶時白髮將盈簪壯
士暮年意游子中夜心拊劒一太息月暗天橫參

浩歌行送濟夫之秦行視田園

霜斂野草白氣肅天宇清開尊酌遠客餞此秦關行秦
關杳杳愁西顧千里蒼茫但煙樹子今行轡按秋風想
見秦關雄勝處河流洶洶崑崙來蓮峰秀拔青雲開絲
南南走絡巴蜀五陵北望令人哀我本渭城客浪迹來
東征窮齊歷宋嗟何營尚氣慕俠游梁城信陵白骨委
黃土夷門誰復知侯生拊劒一長嘯作歌誰爲聽青天
白日空冥冥不能乘桴入滄海拂衣且欲歸汧涇落魄
高陽歸未得送子西歸空愴情

元德明

桃源行

山中三日山桃開紅霞爛漫無邊涯
山家藏春藏不得落花流水人間來
憶昔攜家竄巖谷秦人半向長城哭
回頭塵土失咸陽繒弋徒勞羨鴻鵠
冬裘夏葛存大朴小國寡民皆樂俗
晝永垣籬雞犬閒春晴門巷桑榆綠
漁郎偶到本無心仙境何緣得重尋
今日武陵圖上看唯見雲林深復深

李獻甫

長安行

長安道無人行黃塵不起生榛荆
高山有峰不復險大河有浪亦已平
向來百二秦之形祇今百二秦之名
我聞人固物乃固人不爲力物乃傾
將軍誓守不誓戰戰士避死不避生
殺人飽厭敵自去長安有道誰當行
黃塵漫漫愁殺人但見蔽野雞羣鳴
河東游子淚如雨眼花落日迷秦城
長安道無人行長安城中若爲情

御選金詩

卷一

元德明 李獻甫

十三

別春辭

東皇按轡來何遲人間二月才芳菲
六十日春能幾時不如意事常相隨
一聲啼鴉花片飛把酒却與春別離
春緩歸聽我歌滔滔歲月如流波
貴憂孰與賤樂多吾寧不欲列華鼎
馳鳴珂香屏倚妓薦綺羅人生賦分有
定在誰能買愁費天和長安市上酒如海
跨驢徑上厓

脂坡酒酣醉舞雙婆娑春自來去如予何

秋風怨

疎星耿耿明天河夜涼翠幕生微波碧梧委葉傳金井
一夕秋風將奈何春風令人和秋風感人悲妾愁自與
秋風期秋風爭管人別離燈炷垂紅粉泥暗龜甲屏風
雲影亂絡緯弔月啼不斷蓮漏壓荷夜未半涼颺蕭蕭
入疎竹枕底寒聲碎瓊玉敲愁撼睡睡不明花露盈盈
泣魚目秋風且莫吹念妾守空閨嫁狗隨走雞隨飛九
死莫作蕩子妻郎薄倖妾薄命花自無言絮無定碧雲
暮合郎未歸幾度妝成掩明鏡

秦略

御選金詩

卷一

李獻甫

秦略

王脩齡

十三

穀靡靡

穀靡靡青割將來強半粃急忙舂米送官倉只恐秋風
馬塵起官倉遠在蒼麥山南梯直上青雲間梯危上一
八九里之字百折縈廻環憑誰說向監倉使斛面莫教
高一指請君沿路看擔夫汗顆多於所擔米

王脩齡

黃葉行送祖唐臣歸柘縣

送君黃葉山黃葉紛不埽上有蕭蕭之風樹下有漫漫
之衰草山中黃葉行復青髀肉一消人自老酒盡意不
盡執手臨古道古道連延走錦襄錦襄日暮浮雲翔一
燈孤館相思處寒雁一聲秋夜長

李汾

擬張水部行路難

洛陽行人心欲折
半年西州信音絕
彈箏峽口兵塵高
半夜心懸隴山月
君不見嗷嗷失羣鳥
嗟盡眼流血
潼關晝閉漢使稀
安得慰我生離別

王鬱

寄遠吟

一封征人書
秋帆瀟湘岸
當君高樓醉
憶妾空閨歎

陽關曲

城東車馬已促裝
城西江水青茫茫
綠楊陌上一杯酒
離愁慘淡春無光
秦樓花映晴煙直
誰家少婦當門立
御選金詩
卷一 李汾 王鬱
十四
金鞭入手紫燕嘶
回首飛雲晚山碧

傷別曲

蘭臯飛暗塵
征車紆去轍
長安雖咫尺
回首繁華歇
故人亭下酒
蛾眉眼中血
平生慷慨腸
忽作柔絲結
傳聞紫塞傍
秋烽下危堞
班超未投筆
來瑱空嚼鐵
誰能金閨中
坐眷娟娟月

長安少年行

新月平康金步蓮
青雲戚里玉連錢
誰家年少秋風裏
梁甫吟成抱劍眠

楚妃怨

涼風遶樹秋長河
絡天碧深宮悄無人
月暗莎雞泣

秋夜長

秋風嫋嫋吹庭樹傷心一葉隨風去葉隨風去何所之
似我年年困羈旅神繆紆屈泥中蟠青雲未到誰汝憐
愁來不寐起視夜斗柄斜指西南天

折楊柳

長安二月多綠楊遠信未到龍庭旁佳人中夜抱影坐
風窗冷泠愁思長青天無雲一鏡潔萬戶千門音響絕
何人橫笛在高樓玉龍叫徹春江月

遊子吟

短日空裘回流雲自來去茫茫曉野客衣單白露無聲
落秋樹

御選金詩

卷一

王鬱

元好問

十五

元好問

南冠行

南冠纍纍渡河關畢逋頭白乃得還荒城雨多秋氣重
頽垣敗屋深茅菅漫漫長夜浩歌起清涕曉枕留餘潛
曹侯少年出紉綺高門大屋垂楊裏諸房三十侍中郎
獨守殘編北窗底王孫上客生光輝竹花不實鷓鴣飢
絲桐切切解人語海雲喚得青鸞飛梁園三月花如霧
臨錦芳華朝復暮阿京風調阿欽才暈碧裁紅須小杜
長安張敞號睂嫵吳中周郎知曲悞香生春動一詩成
瑞露靈芝滿窗戶魚龍吹浪三山沒萬里西風入華髮
無人重典鷓鴣裘展轉空牀卧秋月寶鏡埋寒灰鬱鬱

萬古不可開龍劍出地底青天白日驅雲雷層冰千里
不可留離魂楚些招歸來生不願朝入省暮入臺願與
竹林嵇阮同舉杯郎食猩猩脣妾食鯉魚尾不如孟光
案頭一盃水黃河之水天上流何物可煮人間愁撐霆
裂月不稱意更與倒翻鸚鵡洲安得酒船三萬斛與君
轟醉太湖秋

驅豬行

黃臺張氏莊作

沿山蒔苗多費力辦與豪豬作糧食草菴架空尋丈高
擊版搖鈴鬧終夕孤犬無猛噬長箭不暗射田夫睡中
時叫號不似驅豬似稱屈放教田鼠大於兔任使飛蝗
半天黑害田爭合到渠邊可是山中無橡木長牙短喙
御選金詩 卷一元好問

去

蛟龍引

古劍咸陽墓中得搜開青雲見白日蛟龍地底氣如虹
土花千年不敢蝕洪鑪烈焰初騰精橫海已覺無長鯨
世上元無倚天手匣中誰解不平鳴割城恨不逢相如
行酒恨不逢朱虛尚方未入朱雲請盟盤合與毛生俱
誰念田文坐中客只將彈鋏歎無魚

湘夫人詠

木蘭芙蓉滿芳洲白雲飛來北渚遊千秋萬歲帝鄉遠
雲來雲去空悠悠秋風秋月沅江渡波上寒煙引輕素
九疑山高猿夜號竹枝無聲隨殘露

湘中詠

楚山鶴鳴風雨秋楚岸猿啼送客舟江山萬古騷人國
猿鳥無情也解愁西北長安遠於日憑君休上岳陽樓

孤劍詠

鬱鬱重鬱鬱夜半長太息吟成孤劍詠門外山鬼泣清
霜稜稜風入骨殘月耿耿燈映壁君不見一飢縛壯士
僵卧時自惜黃鵠一舉摩蒼天時念樊籠束修翼

渚蓮怨

御選金詩 卷一 元好問 七
阿溪何許來素面浣風雨寂莫煙中魂依依欲誰語

芳華怨

娃兒十八嬌可憐亭亭裊裊春風前天上仙人玉爲骨
人間畫工畫不出小小油壁車軋軋出東華金縷盤雙
帶雲裾踏雁沙一片朝雲不成雨被風吹去落誰家少
年豈無恩澤侯金鞍繡帽亦風流不然典取鷓鴣裘四
壁相如堪白頭金谷樓臺悄無主燕子不來花著雨只
知環珮作離聲誰向琵琶得私語無情鷓鴣翡翠兒有
情蜂雄蛺蝶雌雌勸君滿酌金屈卮明日無花空折枝

後芳華怨

江南破鏡飛上天三五二八清光圓豈知汴梁破來一

千日寂莫菱花仍半邊白沙漫漫車轆轤鷓鴣雞絃中杜
鵲哭塞門顛顛人不知枉爲珠娘怨金谷樂府初唱娃
兒行彈棋局平心不平只今雄蜂雌蝶兩不死老眼天
公如有情白玉搔頭綠雲髮玫瑰面脂透肉滑春風著
人無氣力不必相思解銷骨落花絕品姚家黃揚州銀
紅一國香千圍萬繞看不足雨打風吹空斷腸丹砂萬
年藥金印九州督不及秦宮一生花裏活長門曉夕壽
相如儘著千金買消渴

結楊柳怨

長樂坡前一杯酒鄭重行人結楊柳可憐楊柳千萬枝
看看盡入行人手輕煙細雨綠相和惱亂春風態度多
御選金詩卷一元好問六
路人愛是風流樹無奈朝攀暮折何朝攀暮折何時了
不道行人暗中老素衣今日洛陽塵白髮朝朝塞城草
柳色年年歲歲青關人何事管離情春風誰向丁寧道
折斷長條莫再生

秋風怨

碧瓦高梧響疎雨坐倚薰籠時獨語守宮一著死生休
狗走雞飛莫爲女雲間簫鼓夜厭厭禁漏誰將海水添
一春門外羊車過又見秋風拂翠簾總把丹青怨延壽
不知猶有竹枝鹽

歸舟怨

渡頭楊柳青復青閨中少婦動離情只從問得狂夫處

夜夜夢到洛陽城南風吹櫓聲北雁鳴嚶嚶江流望不
極相思春草生

征人怨

瀚海風煙埽易空玉關歸路幾時東塞垣可是秋寒早
一夜清霜入鏡中

塞上曲

平沙細草散羊牛幾簇征人在戍樓忽見隴頭新雁過
一時回首望南州

西樓曲

游絲落絮春漫漫西樓曉晴花作團樓中少婦弄瑤瑟
一曲未終坐長歎去年與郎西入關春風浩蕩隨金鞍
御選金詩 卷一 元好問
今年疋馬妾東還零落芙蓉秋水寒并刀不翦東流水
湘竹年年淚痕紫海枯石爛兩鴛鴦只合雙飛便雙死
重城車馬紅塵起乾鵲無端爲誰喜鏡中獨語人不知
欲插花枝淚如洗

後平湖曲

越女顏如花吳兒潔如玉天教並牆居不著同被宿美
人一笑千黃金連城不博百年心樓上牆頭無一物暮
纔朝春一生足秋風拂羅裳秋水照紅妝舉頭見郎至
低頭采蓮房郎心只如菱刺短妾意未覺藕絲長與郎
期何許眼礙同舟女春波澹澹無盡情雙星盈盈不得
語十里平湖艇子遲岸花汀草伴人歸鴛鴦驚起東西

去惟有蜻蜓接翅飛

涓川行

涓川道邊日欲西誰家少婦掩面啼漫漫長路行不徹
粉綿鏡衣手自攜自言娼家女家在梁門東夫壻輕薄
兒新人不相容憶初在家時只辦放嬌慵爺娘惜女如
惜玉近前細看面發紅無端嫁作蕩子婦流落棄擲風
埃中可憐桃李花顏色嬌蒙茸朝看花枝好暮看花枝
空安得明珠三百斛重簾複幙圍春風

長安少年行

黃衫少年如玉筆生長侯門人不識道逢豪客問姓名
袖把金鞭側身揖卧馳行橐錦帕蒙石榴壓漿銀作筒
御選金詩

卷一

元好問

二

八月蒼鷹一片雪五花驕馬四蹄風日暮新豐原上獵
三更歌舞灞橋東

黃金行

贈王飛伯

王郎少年詩境新氣象慘澹舍古春筆頭仙語復鬼語
只有溫李無他人天公著詩貧子身子曾不知乃自神
人間不買詩名用一片青衫衡霍重兒貧女富母兩心
何論同袍不同夢入門喚婦不下機渡子垢面兒啼飢
君詩只有貧女謠何曾夢見金縷衣外家翁媪日有語
嫁女書生徒爾為昆陽城下三更酒醉膽輪困插星斗
一夕詩腸老蛟吼十尺長人隨車走斫頭不屈三萬言
欲向何門復低首何人壽我黃金千使君破鏡飛上天

解劍行

古劍黑於漆鬱鬱動星文摩挲二十年今日持贈君長
鯨鼓浪三山沒知君不是泥中物袖間一卷白猿書未
分持刀買黃犢壯懷風雲鬱沉沉慚媿漂母無千金長
安侏儒飽欲死萬古不解天公心北風浩浩吹行客隴
水無聲雪花白荆卿墓頭秋草乾擊筑行歌欲誰識君
不見秦相五羖皮去時烹雞吹廢彥又不見敝裘蘇季
子合從歸來印累累丈夫隋地自有萬里氣翕忽變化
安能知大冠如箕望吾子富貴同生亦同死

望雲謠

涉江采芙蓉芙蓉待秋風登山采蘭苔蘭苔霜早彫美

御選金詩

卷一 元好問

三

人亭亭在雲霄鬱搖行歌不可招湘絃沉沉寫幽怨愁
心歷亂如曳蠶金支翠蕤紛在眼春草迢迢春波遠

望歸吟

塞雲一抹平如截塞草離離卧榆葉長城窟深戰骨寒
萬古牛羊飲冤血少年錦帶佩吳鉤獨騎疋馬覓封侯
去時只道從軍樂不道關山空白頭北風吹沙雜飛雪
弓弦有聲凍欲折寒衣昨夜洛陽來腸斷空閨擣秋月
年年歲歲望還家此日歸期轉未涯誰與南州問消息
幾時重拜李輕車

獵城南

翩翩游俠兒白馬如疋練朝出城南獵暮趁軍中宴北

平有真虎愛惜腰間箭

春風來

春風來時瑤草芳綠池珠樹宿鴛鴦春風去後瑤草歇
來鴻去雁遙相望鴛鴦不得雙燕鴻天一方娟娟愁眉
色靜與遙山長錦衾復羅薦夢語相思怨月明烏夜啼
空閨淚如霰

并州少年行

北風動地起天際浮雲多登高一長嘯六龍忽蹉跎我
欲橫江鬪蛟鼉萬弩迸射陽侯波或當大獵燕趙間黃
熊朱豹皆遮羅男兒萬馬隨撝訶朝發細柳暮朝邯鄲
雲黑山布陽和歸來明堂見天子黃金橫帶冠峩峩人
御選金詩

卷一

元好問

三

怒虎行

怒虎當道卧百里不敢唾紛紛射虎手不見弧矢隨誰
知世有李將軍霹靂弦聲驚石破昨日雙南金今日綠
綺琴贈君無別物唯有百年心

續小娘歌

吳兒沿路唱歌行十五和歌聲唱得小娘相見曲
不解離鄉去國情

北來游騎日紛紛斷岸長隄是陣雲萬落千邨藉不得

城池留著護官軍

青山高處望南州漫漫江水遠城流願得一身隨水去
直到海底不回頭

風沙昨日又今朝踏碎鴉頭路更遙不似南橋騎馬日
生紅七尺繫郎腰

竹溪梅鴈淨無塵二月江南煙雨春傷心此日河平路
千里荆榛不見人

黃河千里扼兵衝虞虢分明在眼中為向淮西諸將道
不須誇說蔡州功

步虛詞

閨苑仙人白錦袍海山宮闕醉蟠桃三更月底鸞聲急
御選金詩

卷一

元好問

杜仁傑

麻革

三

萬里風頭鶴背高

萬神朝罷出通明和氣歡聲滿玉京見說人間有新異
綠章封事謝昇平

琪樹明霞碧落宮歌音嫋嫋度冷風人間聽得霓裳慣
猶恐鈞天是夢中

杜仁傑

長門怨

天上神仙也別離人間那得鎮相隨不須貴買臨邛賦
只想君王未見時

麻革

短歌行

河流宿層冰山有太古雪翩翩有客來老面黑於鐵盤
盤胷臆間猶挂太華月不肯下貴勢便欲叫雙闕朔寒
衣裳單路遠馬蹶躓昔人丈夫事肝膽不可越我歌送
君行歌聲何激烈悲風爲我起酒行歌半闕望君青雲
端何恤遠離別

關中行送李顯卿

關中行我持一杯酒送君西入秦秦川鬱相望渭水流
汙汙黃河中折條復合太華倚天青壁開我送君兮渺
何許春風不肯吹君廻舉酒酌五陵浩歌登高臺終南
之山何崔嵬長安舊遊安在哉百年繁華成劫灰千古
英雄沉草萊風塵頽洞豺狼墓天地茫茫入煙霧我載
御選金詩

卷一 麻革 房皞

西

歌送君去太華終南宜有深絕處巖高人跡所不到石
壁蒼苔老煙雨山堂挂女蘿充腹多薯蕷玉井蓮開十
丈花茯苓根結千年樹白雪青松良可老鹿門有龐商
有皓不然凌雲學輕舉聽取安期羨門語憶昨與君友
相逢日日酬杯酒酒闌起舞肝膽開小桃唱罷歌楊柳
晉語狎秦邇秦語驚晉叟秦晉之交那可無胡爲不作
雙飛鳧碧草離離生早春哀歌望斷西南雲求君於終
南之上不可得太華峰頭會見君

房皞

江上行

浮雲澹澹心悠悠杖藜來作江邊游商人打鼓催行舟

洪波不斷東南流木葉蕭蕭荆楚秋
勸君休上王粲樓
日落滄江增暮愁

賣劍行贈韋漢臣

滄海波未澄無人斬長鯨
韋郎三尺玉匣中鳴不平
蛟龍一出雷雨隨翕忽變化清
四夷可惜有才不見用青
天白日將何為酒酣舞起抱劍哭
肅肅悲風動茅屋不
如南山學種田自古青萍換黃犢

貧家女

貧家女德性溫柔寡言語終年辛苦不下機
身上却無絲一縷
倡家女兒百不會只向人前賣嬌態
繡裯端坐青樓中銀燭熒煌照珠翠
書言福善與禍淫未必天公
御選金詩

卷一 房皞

三五

有此心盜跖長年顏子天古來顛倒非獨今
高處是崑崙低處是東溟
崑崙摧不倒東海填不平
物之不齊物之情
貧女莫羨倡女榮不義富貴浮雲輕
持身但如冰雪清德耀荆釵有令名

御選金詩卷第一

